



## ৯-১১ কে স্মরণঃ

ঘটনাবহুল দিন ১১ই সেপ্টেম্বর সমাগত প্রায়। দু'বছর আগে এমনই একটি দিনে উড়োজাহাজকে অস্ত্র বানিয়ে একদল জেহাদী সৈনিক নিউ ইয়র্কের ওয়ার্ল্ড ট্রেড সেন্টারের উপর ঝাপিয়ে পড়েছিল; প্রাণহানী ঘটিয়েছিল শিশু-মহিলা সহ হাজার হাজার নিরপরাধ মানুষজনের।



প্রতি বছরের মত মুক্ত-মনা এবারও এ দিনটিকে শ্রদ্ধাভরে স্মরণ করছে। আজকের পরিবর্তিত পরিস্থিতিতে এই দিনটিকে স্মরণ করে চিন্তাশীল লেখক ও পাঠকদের কাছ থেকে মুক্ত-মনা বিশ্লষনধর্মী লেখা আহ্বান করছে। লেখকদের সকল লেখা ১১ ই সেপ্টেম্বর মুক্ত-মনা ফোরামে প্রকাশ করা

হবে এবং পরে নির্বাচিত লেখাসমূহ আমাদের ওয়েব-সাইটে রেখে দেওয়া হবে। লেখা অবশ্যই বিষয়বস্তুর সাথে সঙ্গতিপূর্ণ হতে হবে। কোন ধরনের hate-mail , গালাগালি অথবা জাতিগত-বিদ্বেষ-প্রসূত কোন লেখা মুক্ত-মনায় প্রকাশিত হবে না। তবে ব্যঙ্গাত্মক রচনা বা ঠাট্টা/রসিকতা চলতে পারে, তবে অবশ্যই তা পরিমিতের মধ্যে থাকতে হবে। কি ধরনের লেখা মুক্ত-মনায় প্রকাশিত হবে তা বুঝতে চাইলে (বিশেষত নতুন সদস্য/পাঠক-পাঠিকাদের প্রতি) ৯-১১ কে স্মরণ করে গত বছরের লেখাগুলোতে দৃষ্টি দেওয়া যেতে পারেঃ

## REMEMBERING SEPTEMBER 11

([http://www.mukto-mona.com/Special\\_Event\\_/9\\_11\\_anniversary/index.htm](http://www.mukto-mona.com/Special_Event_/9_11_anniversary/index.htm))

## ভারতের নদী-অংযোগ প্রকল্পঃ



আরেকটি গুরুত্বপূর্ণ বিষয় পাঠকদের অবহিত করা প্রয়োজন। বিগত ১৪ ই আগাষ্টে ভারতের ৫৭তম স্বাধীনতা দিবস উপলক্ষে প্রদত্ত ভাষণে ভারতের প্রেসিডেন্ট এপিজে আবদুল কালাম নিশ্চিত করেছেন যে, ভারত সরকার গঙ্গা ও ব্রহ্মপুত্র

সহ ৩০ টি উল্লেখযোগ্য নদী সমূহের মধ্যে আভ্যন্তরীণ সংযোগ স্থাপনের মাধ্যমে জলের মূল প্রবাহকে দক্ষিণ-পশ্চিম অঞ্চলের পানি ঘাটতি আঞ্চলে প্রবাহিত করবার একটি বিরাট প্রকল্প হাতে নিয়েছে। এই প্রকল্পের ব্যয় ১০০ বিলিয়ন ডলারের ওপর। বাংলাদেশ আশঙ্কা করছে যে আন্তর্জাতিক নীতিমালা লংঘনকারী এই প্রকল্প বাস্তবায়িত হলে শুষ্ক মৌসুমে বাংলাদেশে পানির চাহিদা আরও মারাত্মক আকার ধারণ করবে যা কৃষি ও অর্থনীতিকে প্রভাবিত করা ছাড়াও দেশকে পরিবাস্যগত বিপর্যয়ের দিকে ঠেলে দিবে। মুক্ত মনার পক্ষ থেকে এই গুরুত্বপূর্ণ বিষয়টি নিয়ে লেখা প্রকাশের উদ্যোগ নেওয়া হয়েছে। উৎসাহী লেখকদের এ ব্যাপারে সাদর আমন্ত্রণ জানানো হচ্ছে।

মুক্ত-মনা এই মানবতাবিরোধী প্রজেক্টের ভয়াবহতার ব্যাপারে সচেতন করার উদ্দেশ্যে একটি পিটিশন প্রকাশ করেছে। পাঠকদের এই পিটিশনটি পড়বার এবং সাক্ষর করবার অনুরোধ জানানো হচ্ছে। পিটিশনের ঠিকানাঃ

[http://www.mukto-mona.com/human\\_rights/river\\_link/](http://www.mukto-mona.com/human_rights/river_link/)

মুক্তমনায় অবশ্য বহু ভারতীয় সদস্যও রয়েছেন। আমরা তাঁদের বক্তব্যও শুনতে আগ্রহী। এই স্পর্শকাতর বিষয়টির উপরে সদস্যদের গঠনমূলক আলোচনার মাধ্যমে আমরা হয়ত সবাইকে একটি সঠিক দিক নির্দেশনা দিতে পারব। মুক্ত-মনায় প্রকাশিত এই বিষয়ের উপর বিশ্লেষণধর্মী লেখা পরবর্তীতে বিভিন্ন পত্র-পত্রিকায়ও প্রকাশেরও ব্যবস্থা নেওয়া হবে।

অনেক ধন্যবাদ।

অভিজিৎ

[www.mukto-mona.com](http://www.mukto-mona.com)

**পুনশ্চঃ** ‘সদালাপী’ জিয়াউদ্দিন সংখ্যালঘুদের উপর অত্যাচার বন্ধের দাবী সংবলিত আমাদের [পূর্ববর্তী পিটিশনটিতে](#) অযাচিতভাবে ‘হিডেন অ্যাজেন্ডা’ খুঁজে পেয়েছিলেন। আমি তার দিকে [সহযোগিতার হাত বাড়িয়ে দিলেও](#) তিনি গ্রহন করেননি। ‘একটি পিটিশন - আঁতলামী না ভন্ডামী’ এরকম একটি কুৎসিত শিরোনামে তার একটি লেখা বিভিন্ন জায়গায় পাঠিয়েছেন লোকজন যেন এতে সই না করে। অথচ সদালাপীরা সব সময়ই দাবী করেন যে, তারাই শুধু মানবতার পক্ষে। যাহোক, আমি বিগত বিদ্বেষ ভুলে গিয়ে আবারও নতুন করে তার দিকে বন্ধুত্বের হাত বাড়িয়ে দিচ্ছি। হয়ত জিয়াউদ্দিন এবার আমাদের উপর অহেতুক বিদ্বেষ বর্জন করবেন এবং পিটিশনটি তাদের মহলেও গ্রহনযোগ্যতা পাবে। সকলের সহযোগিতা কামনা করছি।

আপনার প্রবন্ধ মুক্ত-মনায় পাঠানোর ঠিকানা :  
[mukto-mona@yahooogroups.com](mailto:mukto-mona@yahooogroups.com)

Please send your article at:

[mukto-mona@yahooogroups.com](mailto:mukto-mona@yahooogroups.com)